

**Zum Rücktritt von Peter Wieser  
als Präsident der Männerriege Effretikon  
an der GV vom 2. März 2018**

*Autor: Herbert Zimmermann*

Liebe Peter das isch es gsi  
die 26 Jahr sind jetzt verbii  
du häsch die MR super gleitet  
es isch dir nie verleidet  
ob höch ob tuf du häschs immer gschafft  
zämehebe die ganzi Mannschaft  
uf dini Hälfer häsch dich chöne verlah  
si sind immer näbed dir gschtande da  
vo de Versälbständigung wämmer gar nöd rede  
defür vom Jubiläum i de Tabakschür grad ebe  
da bisch zur Höchschtvorm ufgloffe  
das isch en Megaivent gsi  
de gat no i Gschicht i  
es isch alles gschribe und super dokumentiert  
euse Paparazzi häts im internet integriert  
au s'Fuschtball-Trainingslager hät dich gfesslet  
die Wuche locker gnüsse und au öppe fäschte  
das tuet de Seel bsunders guet näbscht am Aesse  
s trinke muess mer nöd erwähne, das ghört derzue  
Au d Faneweih vom TVE isch bsundrigs gsi  
fascht alli Redner sind derbi  
doch die einte hät mer gar nöd rede la.  
Vermuetlich chömed die dänn später dra  
d Männerriege häts Gschänk welle überreiche ziemli spat  
hät me s Podescht weg grumt sisch nüme parat  
doch de Peter wien er isch  
staht parat mit em symolische Startpflock s wurmt en innerlich  
er hät e wunderbari Red parat  
aber de Lärme im Saal, ich weiss nöd ob mer en no verstah.  
Uf jede Fall eusere Bitrag isch gsässe  
au das dörf mer nöd vergässe.  
Liebe Peter  
mir alli danked dir vo Härze für die langi Zyt für dis Herzbluet für d Männerriege  
mir hoffed, dass du eus erhalte blibsch und öppe en Typ eus wiiter gisch  
mir düent dich verabschiede nöd mit läre Händ.  
En Guetschi für es Wucheänd mit dim Anni, än Tropfe für dis Gmüet  
und än Bluemestruss fürs Anni wo dich ab und zu hät müese eleige la.

Im Name vo de ganze Männerriege  
*Herbert Zimmermann*